


ХІЯЖ—Исламла шуэсил рукну

Ибрагъим идбагли КягІба балкъаахъурли гІергъи, Аллагъли илизи адамти хІяж барес жибарахъес хъарбариб. Ибрагъимли иб: «Я Аллагъ! Нуни къалли вявъирис, илдани бикъуру дила тІама?» Аллагъли жаваб чарбатур: «ХІу вявикІен, илдази хІела тІама Нуни бикъахъис». ИлхІели Ибрагъим адамтази вявикІес вехІихъиб: «Я адамти! Аллагъли хІушачи хІяж хъарбариб, хІушани хІяж биреная». Ил тІама бакъибси гъарил рухІли иб: «Лаббайка» – «Ну мутІигІвакІили, Аллагълис гІибадат барес хІядурира». Адам иш дунъяличи вакІибхІели, итала рухІли ил тІамалис чуйна жаваб бедили биаллира, илцад сунени хІяжра барес имкан лябкъян.

Ислам ХІямзатов

ХІяж Исламла шуэсил рукну саби. ХІяж бирутири лебил гъалабла идбагунанира, нушала Идбагла ﷺ уматлисра гІямрулизиб гъачам барес чебла саби. Идбагли иб: «Ахъри лебли чили хІяж хІебараллира, ил адам дигалли иудейли, дигалли христианни вебкІаб». ХІяжла дурхъадешличила бурули Идбагли ﷺ иб: «Аллагъли къабулбарибси хІяжлис Алжана ахІенсегъуналра керилебси ахІен». Пурра Идбагли иб: «Чили КягІбализи хІяж бараллира, ил нешли варкъибси бархІи къяйида лерил бунагъуназиwad умувиру». Пурра Идбагла ﷺ хІядислизиб леб: «ХІяжра гІумрара дирути – Аллагъла хъули бакІибти хаста Аллагъла гІяжІли саби. Тиладибухъалли, Аллагъли чус дигуси бедили, илдала тавбура къабулдарили, лерилра чула бунагъунира умудиру, Аллагъли илдала бала-дугІяра къабулдарили, цархІилтас бируси шафагІятра чархІебиру». Идбагла ﷺ асхІаб ХатІабла урши Пумар викІусири: «Дурхъаси Аллагъли хІяж барес бакІибталара, илди тилади бикІуталара бунагъуни умудиру, зуль-хІиджа, мухІяррам, сафар ва рабигІул аввал базла 20 бархІила духІнар». Илбагъандан гъалабла адамти, гъазаватли аркъути адамти гъуниббатес ва



хІяжлизибад чарбиубтас гъунибаэс дурабулхъутири. ХІяжликъянабала андаличи байбикІули, бунагъуназибад умули лебалли, чус балга барахъес тиладибикІутири.

ХІяжлизидураулхъухІели Хъуливад дураухъайчи кІел ракагІятла суннатла дехІибала дарни дурхъали бирар. Цаэсил «Аль-ФатихІя» («АлхІям») белчІунхІели «Аль-Кафирун» сура бучІа.

КІяэсил АлхІямлис гІергъи «Аль-Ихлас» (къулгъу) бучІа. ДехІибала дарили гІергъи, гъаладуцили някъбира, балга биру, гъуйчир къаршидиркути къянтазивад верцахъес ва чариубли вакІайчи хъалибарг жагали калахъес Аллагълизи тиладивикІули. ГъуйчивхІели хъумхІертес хІяжатли бирар дехІибайс гІергъи дирути ратиба-туни дархъхІедатурли дирес, сенахІенну илдас суннатла хІяжлис биркуси керилебси бикес асубируси саби.

Номерлизир:



КягІбализи ва хІяжличила



ЦархІил мурул-хъунул жинсла тухтурличидутъадилзни



Перкъаси сапарли дураухъунсила дехІибала

Вакъфула мягІна ва хІяжккъат

Вакъфу – саби пайдалабирули хъалли кахІебурхуси, асубирути мурадунас пайдалабирахъес бедибси, бицес, асес яра барсбарес ихтияр агарси лебдеш саби.

МухІяммад-Амин МухІяммадрасулов

Вакъфу шаригІятли къабулбарибси ва тІалаббируси баркъудилизи буйгІуси саби. Ил журала лебдеш акІнилис хъулчили детарули

сари Къуръан ва Сунна. ЧевяхІси ﷺ Къуръаннизив викІули сай (мягІна): «ХІушани гІяждешуни дарни багъандан керилебси сахІерхидая (или ибси Алжанализи архІекурая ибси саби), хІушаб дигуси секІал харжхІебарили лералли. ХІушани се харжбарадаллира иличили Аллагъли ﷺ балуси сай» (Сура «Аль-Пимран», аят 92). Идбагла ﷺ валикъяна Абу Талхани, ил аят бакъили, сунела лебдеш Аллагъли ﷺ аркуси гъуйчиб харжбарес

пикрибариб. ХІядисунала «Сахих аль-Бухари» жузлизиб ил анцІбукъичила ишкъяйда белкІи саби: Абу Талха, ил аят бакъили, Расулуллагъличилебси къалабакиб, Идбаглис ﷺ ил аят белчІун ва иб: «БегІлара дурхъаси дила лебдеш – Байраха саби (анхъла у саби), ва нуни ил Аллагълизи ﷺ ва Илала Расулличилебси аркъуси гъуйчиб харжбирис. Керилебси хІерлира, ил анхъ хІуни, Аллагъли ﷺ хІези гІеббуриливан пайдалабара!». ИлхІели Расулуллагъли

ﷺ жавабли биахъубли илизи буриб: «Баркалла, Абу Талха, хайри бихуси иш хІела лебдеш нушани къабулбарра ва хІед гІелабахІ чарбирула: ил хІела гъамтас ва тухумтас пайдалабарахъес беда». Ва Абу Талхани ил анхъ тухумтас бедиб». Абу Гъурайрани Идбагличибад ﷺ ишгъуна хІядис нушачи баахъиб: «Адам вебкІили гІергъи ишди хІябал ахІенти илала лерилра баркъудлуми тамандирути сари:»

Ислам — терроризмичи къаршили



Октябрьла 9-личиб Мяхиячкъалала Сайфулла-Къадила уличилис мижитлизиб «Ислам – терроризмичи къаршили» ибси жила удиб гиялимтала мажлис бетерхур.

Ил балбуцлизир Лакла, Кулила районтала шимази-бадти ва Новолакла имамтани бутлакъяндеш дариб. Мажлис бузахти ДР-ла бусурмантала Динна управлениела Исламла багъудила отделла хянчизар Давуд Тумалаевли. Экстремизмчи жамигятлис ва Исламлис бирахъуси заралличила буриб илини.

Кулила районна имам Сиражудин-Хияжи Къурбанов бусурмантала улкназиб вагъабизм дакъубухъниличила ва ил тинтбикниличила гъайки. «Чинаб вагъабизм дакъубухъалрира, илар дургъби, хила хуркби, гъузгъалдидеш дирутири», – буриб илини ва ишбархилизиб де-бали мягичебси тавассулла ва истигасла темара ахъбуциб.

Лакла районна имам Мухаммад-Хияжи Саламовли динниче чекабизурти нушала хала бегтачила, илди секъяйда динниче хербиклутирил, сегъунти гъундури чердирклутирил буриб. «Сунела бехибухъудлизибал Дагъистайзи Ислам бакибси саби. Ил Мухаммад Идбагла кумекчибани халиф Умарла замана хибсири. Акидла, фикхула, тасаввуфла шайчир халати хянчурби гелар датурти гиялимти бири нушала. Илдала жузи ишбархилира лер нушачир. Илкъяйдали чис гьегъи дукъес гиягъили нушаб: брошюркабира делчи вацурбазиб къайцкабиклутигерли яра халати гиялимти – умматла зубартигерли?!» – ца-лабикибтаци дугъайзур Мухаммад-Хияжи. Гъайбухъунтала урга-ургади гьарабла ва миллатла мезаначил мавлидунура делчун. Мажлис таманбиубли гьегъи школала бучанти-ургар Исламла къанунти далнила ва Къурбан бучнила шайчир абзани дурадериб.

Давлачевдешла ва мискиндешла сабабти

Динна гиялимтани бурули саби:

1. Гьамру духъандиру ва баракат имцабиру: Гьахбаркъли, гьими агнили (бъагъили), халатала хурматбирнили, тухумдеш ункъли дихлини. Хияжатдеш агарли хедеръубти галгуби хедирхъни къулайси саби.

Ислам Хиямзатов
islam_gamzatov@mail.ru

2. Яшавла даража гьарзабахъес сабабли детарар: жъвли алзни, юрт ва талхияна умули дихлини, Аллагълизибад урехиличил заманаличир дехлибала дурусли ва чедетахъили дирни, зухляла ва витрула суннатла дехлибала дирни, савлила ратибатла дехлибала хъулир дирни, мижитлизи азан белчайчи вашни, мурталра дазайчил виъни, бархехъла (магърибла) дехлибайс гьегъи Къуръа «Вахъига» сура (бъах 534) бучни. Хейгеси саби витрула (дугелила) дехлибайс гьегъи дунъяла гъайли гъайкини, имцати ихтилатуни, хияжатдеш агарли хъунул адамтачил кални. Савлила дехлибайс гьалав даршна «Субхьяналлагъи ва билямдигъи, астагъфируллагъа ва атубу илайгъи». диклес.

Савли ва бархехъ даршна-даршна: «Ла илагъа илла лагъу маликул-хакъул-мубин» диклес. Зумали: «Ла хлава вала къувата илла биллагъил гъалиш гъалиш» диклес.

Ризкъи, лебдеш имцабиру зумали салават бучнилира: «Аллагъумма салли гъала Мухаммадин ва гъала али Мухаммадин ва салим».

3. Хиядисунани бурни хиясибли мискиндеш гьегъи сабабти сари: дугели хъали ушкъни, савлила гъанки, вахъли усни, чянкъули усни, чянкъули хияжатхализи вашни, чарх чарагарли бирцес (баргаэс) хияжатхели, бирцайчи укни, шинни ужни, ванзаличи кагитби къацла къидикъури датни, букан зершила ва итан зершила камани цаличир игни, душкили учидяхъибти укъа-къуса хъулир датни, бухнабас гъалав вашни, бегтаци у ахъили дугъаилзни (ил – хурматхелбарни саби), унабурхличи кайгъни, хияжатхализир дазала дирни, къаркъайчир палтар диргъни, палтарли дяхли ушкъни, хъулир хъисхаладуш датни, дехлибайзир чедихьартдеш; дехлибала тамандиубхели мижитлизиб хьархъли дураулхъни; къалабали базарличи арукъни, базарличивад дебали къанни чарухъни, дурхли суктубирни, берк-бержличилси талхияна (посуда) гьаргли балтни, ташли шалбар челгъни, чирагъ уфъили бялшахъни ва ц.

Ашкарси саби Аллагъли хегибси чилилра сархес, бучес хейрни.

Хиушала имайзира, ризкъи-давлялизира, арадешлизира Аллагъли баракат кабихъаб.

Хиядислизиб леб: *Хиябал секлайзивад - хъуликдеш-лизивад, чеблализивад, хамдешлизивад - умули вебклибси Алжанализи арку.*

«Чеблалис арц деднили Аллагъ разиру (хиярам барахъес дедили хейали)».

«Виубцад камли чеблалу виркен».

«Зумали чебла сайсуила лебдешлизиб баракат хейбар».

«Мяхкамдеш бара капурдешлизибадра чеблализибадра».

«Хъайчикайибсини динна дайхъала хьарбаркъуни дарили сай».

Чебиуливан, хъайчикайгъни мягичебси сунна саби.

«Дунъя пайдалабириси ваяхли саби, илизир регъла гъахлиси - динна таллабуни детурхъуиси (муъмин) хъунул сари».

Макъсуд-Хияжи Садикъов гъаниркахъули

Октябрьла 6-личиб сай узули калунси Институтлизиб ИТМО-ла ректор Макъсуд-Хияжи Садикъов гъаниркахъули багъишлабарибси балбуц дураберкиб. Илар бутлакъяндеш дариб ДУМД-ла вакилтани, гилмула ва багъудила хянчизартани, журналистунани, Мяхиячкъала шагъарла жамигъатла вакилтани, Макъсуд-Хияжила гъамтани, ил гъамсили ветурти бахъал студентунани ва выпускникунани. Макъсуд-Хияжи гъарил студентличила къайгъилизи викили вири, кумек хияжаттас ил гьебихъи. Гъайбухъунтани дахъал гъахти гъай дуриб Макъсуд-Хияжичила: сецад гъахдешуни дарибал Дагъистайсра ва лебилра улкалисра бархли.


Балбуцличир Ставропольла политехнический институтлара Петербургла пачалихъла университетлара вакилтази бутлакъяндеш дарахъес багъандан Интернетла кумекличил бархбас ка-бизахур. Илдани Исламла багъудила Северла-Кавказла университетла центрличил бархбас бузахъес вягъа къулбасбариб.



Чечнялизиб алхунти милиционертала тухумтани хияж дурабурки

Чечняла МВД-ла санигъатласи чебла ихъухели алхунти хянчизартала 400 тухумли ишдуслизиб пачалихъла кумекличил Хияж дурабурки. «Грозный» ЧГТРК-ли балахъули саби ил балбуц дураберкахъес Чечняла бек Рамзан Къадиров кумекви-ниличила.

Хияжликъянабала цаибил къукъа дурхъати мераначи халкъани-ургабси «Грозный» аэропортлизибад ишдусла октябрьлициб урцар. Саудовияла Гьарабиялизи биънила шайчирти масъулти арзили сари.



| | | | | |
|---|--|---|--|--|
| <p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p> | <p>Главный редактор Айна (Патимат) ГАМЗАТОВА</p> <p>Редактор Ислам ГАМЗАТОВ</p> <p>Канонический редактор Мухаммад ДАВУДОВ</p> <p>Корректор Нурулгъуда РАЖАБОВА</p> <p>Дизайн, вёрстка Лейла ГУСЕИНОВА</p> | <p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС</p> | <p>77-42079 от 24 сентября 2010 г. При перепечатке ссылка обязательна.</p> <p>Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.</p> <p>Заказ № _____</p> <p>Сдано в печать 14 октября 2011 г. в 21:30</p> | <p>Тираж 3.650 экз. Адрес редакции 367015, РД, г. Махачкала, ул. Азиза Алиева, 2.</p> <p>По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.</p> <p>E-mail: assalamweb@gmail.com; www.assalam.ru</p> |
|---|--|---|--|--|

Хияж—Исламла шуэсил рукну

1 « Хияжла арканти

Хияжла 6 аркан лерти сари, илдазибад цаалра бархьбаталли, хияж бетаруси ахлен:

1. Хияж барес нигет.
2. Зулъ хиджа базла урчлемъэсил бархИ Пярафатла дубурличичи-диркьаличи ташкайзни.
3. Пярафатличивад чариубхелели «Тавафул-ифаза» барни (КягIба 7-на алавбарни)
4. СягIю барни. Сафа ва Марва ахъдешуни ургав 7-на вашни.
5. Гъез кьиддарни.
6. Ишди арканти нушани дурибти тяхIярли дарни. Илди арканти гIумралара черти секIлуми сари, Пярафаличи ташкайзни ахленси.

Хияжла ваджибти (черти)

Хияжлизир аркантала дурарад гIурра 5 ваджиб лер. Илдазибадди се-биалра хIебарили калалли, хияж хIебелхъан, амма гIякIа бедес чебли бирар. Илди сари:

1. Хияжлизир Микьатлизивад(ихIрам челгуси мер) ухIнаухъни.
2. Зулъ-хиджа базла вецIгъэсил бархИ Муздалифализиб беркIни.
3. Кьурбан байрамлис гIергIи ляркьути хIябал бархИ Мина бикIуси мерличир деркIни.
4. Джамарат бикIуси мерличичи кьаркьуби лайдакIни.
5. Маккализивад дураухъайчи тIавафул-вадиягI барни.

Илди дурибти ваджибатуназибад се-биалра хIебарили калалли, гIякIа бедес чебли бирар. Хиярамла ванзурбачиб кьурбайс белгъес лайикъсигъуна маза белгъни, их барес имкан агара биалли, 10 бархИ дуббуцарла дучес, илдазирад 3 Маккализив левалли, 7 хъули чарухъунхелели.

Хияжлизир ухIнаухъи гIергIи дарес асухIебурти

Хияжлизир яра гIумрализир ухIнаухъи гIергIи, илди тамандиубли бекIдиайчил дарес асухIедироти секIулти:

- Мурул хъуна ургарти вьшатIала датес чебли бирар.
- ВегIли яра цархIил адамли магъарла вьшатIала дарес асухIебирар.
- ТемдикIути секIал я кьаркьайчи я палтарличичи кьачаэс асухIебирар.
- Сегъуналра гIяваси секIал я дяхIла я бекIла гъезличичи кьаячдикъахъес асухIебирар.
- Кьаркьайчибад цаалра гъез кабикахъес асухIебирар.
- Цаалра ника кьиддарес асухIебирар (амма диргалабулхъуси яра бячи кабиркуси ника чеббердес асубирар).
- Мурул адамлис – хияжатдеш агарли сегъуналра бирбубси палтар, гъалабад я гIелабад кIапIси дабри чегъес, бекI кIапIбарес асухIебирар.
- Хъунул адамлис – дяхIра бекI някьбира кIапIдарес ихтияр агара.

– Хиярамла ванзурбачив гIярли дураухъес асухIебирар, илала дурабадра хиярамла бухIнаб сегъуналра кьар заябаресра асубирусичи ахлен.

Ихди секIлумазибадди шаригIятла шайчибси хияжат агарли се-биалра барни – бунагъ саби. Илала дурабадра, ихди секIал даралли, гIякIа бедес чебкабирар. Кьаркьуби лайдакIайчил, кьурбан байрамла бархИ балу балули, чи сунела хъунуйчил гъудурвиаллира, итала хияж белхъан. Амма ил бехъубси хияж таманбарес чебли бирар, челякьуси дуслизир ил чебахъили баресра чебиркур.

Илди дарнила дурабад, мурул адамлис гIякIалис валри белгъес чебиркур.

Чили биаллира балу балули 3 гъез яра 3 ника кадикахъалли, яра темдикIути секIал кьаркьайчи яра палтарличичи кадикалли, яра бекI кIапIбаралли, яра дирбубти палтар чегъалли, яра гIяваси секIал муцIурла я бекIла гъезличичи кьачаалли, яра хъунуйчи байкалли, яра кьурбан байрамла бархИ кьаркьуби игъубли гIергIи тIавафул-ифаза барайчи хъунуйчил дебали гъамиалли, илис гIякIалис дироти 3 секIайзибад ца барес чебли бирар: 1) маза белгъес; 2) 3 бархИ дубуцес; 3) мискин адамлис 3 сяхI анкIила дедес.

Ца кабикахъибси гъезлис яра никалис ца муд (650 гр.) анкIила дедес чебли бирар.

КIел гъезлис яра кIел никалис 2 муд.

КягIбаличили ва хияжличила

КЯГIБА БУСУРМАНТИ БАГЪАНДАН АЛЛАГЪЛИЗИ ТИЛАДИБУЛХЪАН.

ЧиркIейлизивадси дурхъаси шейх СягIид-афандини «Идбагуначила история» бикIуси жузлизиб «ЧевяхIси Кьудратла ВегIла бегIла гIергIисичи белкI — Кьуръанничичи хъарихъули, ил хъулчили буцили, дунъя акIнила историяличила бурули сай.

Нурулгъуда Ражабова

Шинничил дунъя буи гIергIи, ЧевяхIси Кьудратла ВегIли КягIба зубрачи ахъбуцни багъандан, ванзаличи хияж дурабуркни кьябаибсири. ЧевяхIси Кьудратла ВегIли Ибрагъим идбаглизир багъахъайчи, ил лебси мерра чилилра балуси ахленри. ЧевяхIси Кьудратла ВегIли Дурхъаси ванзаличи сагадан хияжликъянаби башахъес дигиархIелели, сунела гIяхIлас Баракатла — эркиндешла Юрт барахъес ибси багъахъни Ибрагъимличичи бархъиб. Закиб дакIубухъи, вьшхIебухъи ца мусаличи мерлабиубси дирихъла кIанала дяхIцIили КягIба барес гIягIнисичи мер чебиахъулри. Закибад бакIибси тIамалира иргъахъулри дирихъла дяхIцIили буцибси мерла дазурби хиясибли КягIбалис хъулчи кабибахъес, хияжликъянабас илдалацад битIакI хиясибли кери баахъес, шел дубурализирад кьаркьуби касахъес. Илди сарри — Тур-Сайна, Тур-Зайта, Ливан, Джуди ва Нур дубурти.

Чедибад бакIибси хъарбаркь хиясибли Ибрагъим ﷺ идбаг Аллагъла Юрт барес вехIихъиб. Кьаркьуби гъамдирули, чят балшули, илала кумекчи сайри сунела урши ИсмягIил. КягIба бирули бузуйти дудешличира уршиличира Абу-Кьубайс дубурличичибад тIама бакIиб, дихъалис кабибахъибси касес замана баъниличила, ил арбухес Ибрагъим вакIес гIягIнили биъниличила балахъуси. Дубурличичи чевяхIухъунси Ибрагъимла ﷺ хIулбала гъалаб байхъала дубура гъятIкабиби, илаб дигIянабарибси Цудара Кьаркьа чебаиб.

Халал яра биштIал хияж бирусичи виаллира, дигеси саби верхIна КягIба алавбирухIелели, балуй някьличил ил кьаркьаличи кьячикни яра ил байбарни. ПIергIисичи замана биалли, ила башути адамтала бахъдешли, ил кьаркьаличи гъамиэс илцад-декIар имканти кавлули ахлен (пикридухъеная, цазаманали-

чи гъамиубхIелели, малаик иличивад цакадар тIядили увухъун. Аллагълис ил секIал хиясибиъни багъурси малаик урузвиънила халадешли, кьаркьаличи шурухъунсири. АнкIила кьякь берки гIяйиблавиубли Алжанализивад дураушибси Адамли ﷺ ил кьаркьара сунечил барх ванзаличи кабухисире. Гъалализиб ил кьаркьа



зиб ил-алав башути тIаваф бирути чумал миллион адам!). Ил багъандан ил кьаркьаличи гъамбиубхIелели, хияжликъянабани ила уммайти дурхъни сипатбирули, байбарили балуй някь, иличи бякIибуру. Ил барес имканбакIибсилес биалли, Къиямала бархИ дебали кьияндикибси манзил, Цудара Кьаркьали кумек гIеббиахъу. Динна гIялимтани чула жузазиб бурули кьяйда, Цудара Кьаркьала история ишгъуна саби. Нушала Хала дудеш Адам ﷺ алжанализив вирухIелели, иличил варх мурталра малаикра вирусире. Адам ﷺ анкIила лугили-

цIубдешли цIяр-цIяр или рурухисире. Къанниван, адамтала бунагъунала дахъдешли, ил цIударкабухъунсири. Эгер цIубли калунси биаллири, илала арагIеб дунъялис баари шала бирусире. Къиямала бархИ ил кьаркьа сагадан малаикличичи шурбулхъан — урки-уркIилабад Аллагъличичи дугъабилзути лебтасалра декIар-декIарли бурули бикъридеш диру. Илгъуна саби буруси Цудара Кьаркьаличили. Гъарли-марси хIекъдеш биалли ца Аллагълициун бала. Ибрагъим Идбаг ﷺ хъуравиубли калунси (КягIбаличибад ца чумал метрла гъамли мерлабиубси) ил мерлис

«Ибрагъимла макъам» бикIар. Кьаркьали биалли, духби ахъдурцуси кранниван, идбаг ﷺ ахъра урцусири, гIяшра вирусире (КягIба лушули узухIелели). Илра Адамли ﷺ Алжанализивад дураушибси жагали рурухIуси игIяни саби. Аллагъла Юрт барили балкъаурхIелели, ЧевяхIси Кьудратла ВегIли Ибрагъим идбагличичи ﷺ буйрухъ бархъибсири ила аданти жибарахъес.

Илала жилис жавабли бибахъубли, «Ляббайк» («ХIера, ну хIела гъалав-гъалар сайра-сарра») или, чус хияжбарес кьадарбиэсти лебтанилра дунъяла гIяламатли — жаваб чарбалта. Илис гIергIи Ибрагъим ﷺ идбагличичи Аллагъли хъарбариб хияж дураберкIахъес. ЖабрагIил малаикли дудешра уршира хияж дурабуркIнила кьяйдуртачил тянишбариб, илдани ил дураберкIиб. Илкьяйдали хияж дурабуркIни арагIеб жамигIятлис чебсиле бетаур.

Хияж дураберкIес кьасли хъайгIивад дуравхъунси чи виаллира, кацIибси гъарил ганзлис шабагъатлавирули сай. Гъарил ганзлис бунагъунира уркадурцули сари. Илкьяйдали кунглизир белкIи саби хияж дураберкIибсила халати ва диштIати бунагъуни уркадурциничила. Кьудратла ВегI хияж дурабуркIутачи илцадра разили сай. Ил дугъаилзули сай малаикуначи, илди хияжликъянабачи хIербизахъес. Илис умудеш дигахъу, илди Сунела гъала умули дакIубухъахъес багъандан. Идбагуни ва Аллагъла вакилти башули калунти мер-мусаличи хияжликъянаби чарх-бекIра дирцили (гъуслу барили) ихIрамчебли бакIес хияжатси саби, илди мераначи укънилис кери баахъес багъандан (ужра касес). ГIяхIлад яра сегъуна-биалра гъунибаъниличичи аркъухIелели нушани хияракат бирули дирехIе жагали палтарла дегIдиэс. Кьудратла ВегIлис биалли дигахъу Сунела гъала ца гIядатла палтарли берIбиубли бакIили. » 4

Вакъфула мягина ва хиякыкыат

1 «**ка**хлебурхуси садакъя, цархилтира пайдалабирути багъудлуми ва сунела бегти багъандан улгуси дурхия» (Муслим 1631). Бусурман динна гялимтани «кахлебурхуси садакъя» ибти дугъбала мягина баянбариб – вакъфу. Ибну Пумарли – Идбагла **асх**Иаб, Пумарла уршили, хиядислизиб бурули саби сунела дудеш Пумарлис Хайбар (Мадинала мякъларти мер-муса) буцибхели, ванзала бутла бикниличила. Ил бутла бикибхели, Пумар, ванзалис се баралли гяхисил бурахъес Идбагличи **ва**киб: «Ва Аллагъла Расул **с**, Хайбарализиб наб ванза бикиб. Гъанна бикайчи дила ил ванзаличиб дурхъаси селра агарсири. Илис се барахъес хуни маслигътибаради?». Идбагли **иб**: «Хед дигули виадли, ил вакъфули бетаахъа». Пумарли ванзала ил бутла вакъфу бетаахъур. Пур ил ванза бицхлебицеси, пешкешхлебареси, букъурли хлебиеси, мискинти ва тухумти пайдалабиклеси, дугъри лагъдешлизибад азадбатахъес пайдалабиреси, гъункъябас, бургъантас, гяхилас гяхидеш бихеси шартличил ил ванза бузахъусилис ва илабад баклахъибси сабухъличил сай арагъев вег ветхлеурли пайдалабирусилеси бунагъ агара». Баягъи ил Идбагла **вал**ликъяна Пумарли барибсил вакъфу Исламла тарихлизиб бегла гъалабси сабри. Вакъфу бусурманти ургаб къалабали ва бягъули тинтибууб. Идбагла **вал**ликъяна Жабирли иб, Идбагла **ц**алра валликъяна агара сунела сегъуна биалра имкан лебли вакъфу



хлебариле калунси. Имам аш-Шафиги викъусири: «Нуни балули, 80 ансарли (Мадинализиб хлербиранти) вакъфу бариб».

Вакъфула пасихдеш

1. Чевяхисилчи **г**ъамигъни, халаси кери сархни – бусурманнис къалли Чевяхисилчи **г**ъамирахъниличиб ва сунечи илала диги имцадиклахъниличиб дурхъаси баркъуди агара.
2. Вегъла лебдеш вакъфуличи шурбатни – Чевяхисила **г**ъалав сай лагъ вигъни, Аллагъличи **с**унела диги чедиахъуси баркъуди саби. Чевяхисилчи **д**иги сархес вилрар чянкли илала насихятуначи лехирхъусилицун. Чевяхисили **с** Къуръаннизиб бурили Сай (мягина):

«Хушани гяхидешуни дарни багъандан кери сахлерхидая (или ибси Алжанализи архлекурая ибси саби), хушаб дигуси секлайзибад харжхлебарадали. Хушани се харж-барадаллира иличила Аллагъли **с** балуси Сай» (Сура «Алю Имран», аят 92).
3. Чедиб гъанбушибси хиядислизиб буриливан, адам вебкли глргъира сунес кери биахъуси, кахлебурхуси садакъя гелаббатни.
4. Бусурмантала жамигълис, жамигътла мурадунас халаси гяхидеш бирни: мижитунни, бусурмантала школаби (мадрасаби) ташдалтни, багъудлуми тинтидарни ва цархилти.
5. Мискинтала, гъунарагартала, цуръабала, гъункъябала хияжатдешуни ихъни.

Вакъфула арканти (цаладяхъ-ибти бутни)

Вакъфу авал бутализибад цалабикибси саби: **а**) вакъфу аклахъни, **б**) гяхлбаркъла мурадунас аманатбарибси лебдеш, **в**) сунечи вакъфу аманатбарибси, **г**) се мурадлис пайдалабирес гягъинисил буруси белки. Сунела яргализиб вакъфула гъарил бутализир сунела шуртири лер:

Вакъфу аллахъусила шуртири:

1. Вакъфу аллахъусили дурибти дугъбала хлекъдеш, или ибси – вакъфу аллахъуси азадси, балугълава-ибси ва духуси виэс гягъиниси саби ибси саби. Лагъли вакъфу аклахъес хлейрар, сенахленну илала сай вегъси лебдеш агара. Сайра булан цархилла вегъдешлизи кархули сай. Илкъяйдале вакъфу барес хлебирар балугъла хлеибси дурхияли ва гякълулизивад ухъунсили, хиятта ил бируси замана мякълаб чучи хлеруди бирути адамти лебли, илди къабулли биалра. Илдаци хлеруди бузахъутасра илдала лебдешлизибад се биалра вакъфулис бедахъес къадагъабируси саби.
2. Вакъфу аллахъуси гяхлбаркъ дураберкес ихтиюрти лертазивадли виэс гягъиниси сай. Сунела лебдешличи дахъал чеблума лер или гякъла чебихъибси адамлисра вакъфу барес ихтияр агара.
3. Сай гяхлуладеш. Вакъфулизи халбируси ахлен ил чила биалра гужлиуб бирули биалли.

Кягъбаличила ва хияжличила

3 «**К**ягъба бусурманти багъандан Аллагълизи тиладибулхъан чарх бирцес сунечирад палтар черда-турли, хияжликъянас гъанбикахъес чебиркур, сай дунъяличи чянкълули даклуухъниличила ва Къиямала бархли Аллагъла гъала чянкълули калзниличила. Кягъба-алав дашухели (таваф бирухели) илдас чебиркур чучи уркелцибарахъес, сунела уркелцили, умутличил ила бякъунтала балгни жаваб агарли хедатахъес ибси тиладичил, урки-уркиларад Аллагълизи дулгес. Пярафала дубурличи ташизурхели, цла чекадикъурхеливан буцарси бархилиур Пярасала диркъаличи кадизурси бархила кияндешличила гъанбикахъес чебиркур. Иличибли уркиличиб урехи аклахъес багъандан. Дибгъанти къаркъубира (гъягъя) касили, Муздалифла майдан бархълалтухели биалли, бунагъунани бицибси гавлагра архули, шайтунти сипатдируси лацла бяхлизи илди игъадли, ху лерилра бунагъхатализивад умувириван гъанбикахъес чебиркур. Минала майдайчир хияжликъянала белки бялги кадикибти гъезцад Пярасала дубурличиб нурла шала пешкешбариле бирар или бурули саби. Аллагъ икъалавиаб нушаб, лебтасалра, илала пасихдешуни хълчилидуцили хияжла гядатуни дурадлеклахъес. Пярафала дубурличив Аллагъ гъанкахъили, урки канглибаклахъибси, Машаруль-Хиярамлизив, Минализиб къурбанра белгъунси, белкира

бялгяхъунси чи виаллира, ил адам лерилра бунагъуназивад умувирули сай. Илдас дирути гяхидешуначила ца Аллагълицин бала, Къиямала бархли Илини илди Жагъаннаблизибад уцахъу, ва Сай разитала ургаб илдас мер биру. Къиямала бархли илдигъунтас Аллагъла гъалар Цудара Къаркъалицинра ахи, Кягъбалира шафагъатдеш диру. Муса идбагличи **с** бархъибси Торализибадра Кягъбала илгъуна къадриличила бурили саби. Амма, гъанна мажахлгъя нушани илаб илгъуна белки баргес дирехле. Къиямала бархли, Чевяхиси Къудратла Вегъли, Сунени чеббиклибтазибад гъариллизи мургъила шинжирра бедили, Пярасала диркъаличи Кягъба кабукахъес хъарбариле 700 азир малаик бурхъу. Лерилра мургъила шинжиртира чедушили, малаикунни ил арбуке алавбаклибхели, Кягъбали иргъахъу сунела тилади бартаахъайчи, лебси мерличибад вяшхлебулхъниличила. Къудратла Вегъли ихтияр бирули Сай сунес се дигусил бурахъес. Илхели Аллагълизи Кягъба тиладибулхъули саби саби-алав хиярибихъибти, Аллагъличи бирхарути, лебилра адамтас саби икъалачили биахъес пурбан барахъес. Тилади бартаахъниличила жаваб лябкъули саби ва илхели Кягъба-алав хиярибихъибти лебилра «Ляббайк» бикълули, цлуба ихрамчебли, цлуба лагънаниван ила цалабиркули саби. Илхели малаикунани Кягъбализи сагадан тиладибиру батбихъахъес. Илини жаваб чарбалта сунела тиладлума гъачамлис гурра



калничила. Чевяхиси Къудратла Вегъли балахъа, илини се тилади бараллира, ил барес хиядурли — къабулли вигъниличила. Иш яргалис Кягъба гяшкабиубли икрамбирули, Аллагълизи тиладибулхъан ва гъарахъти жапати гъундурачир дахъал кияндешунира дяхъурли, сунечи дигили иша бакили, Аллагъла хъарбаркъ хиясибли хияжла лерилра гядатуни дурадлеклибти арагъев бунагъкартас — лебтасалра икъалали биахъес пурбан барахъес. Аллагъличибад тама лябкъян илди-ургаб чус сегъуна-биалра икъалабарес лайикъли ахентира, ташбизниагарли декъти такъсиртани бирули калунтира лебниличила. Кягъбали сунела тилади тикрарбирули саби — илдигъунтасра икъалабарес ихтияр барахъес. Илхели илала мякъла баклибти лебтасалра

икъалабиахъес ибси ихтияр лугниличила балахъули саби. Илис глргъи гяршличибад малаикли балахъули сай, мурт-биалра Аллагъла Хъули бакили калунти лебилра аданти Кягъба-алав баклахъес. Илхели берхливан рурхлути сипатуначил, разили лебилра дунъяла хияжликъянаби цалабиркур. Илдала разидешличила бурули бурес хлейрар. Илхели малаикли тамадиру: «Я, Аллагъла Кягъба! Хуни тиладидарибти гъар секъл гибну хлед, гъанна батбихъи». Илхели малаикунани глббитли, хияжликъянабачил барх, «Ляббайк» бикълули, Кягъба Аль-Мяхшарличи биур. Чевяхиси Къудратла Вегъли арагъев хияжликъянаби Кягъбаличил барх Аль-Мяхшарличи лябкъутала къукъяла бутлакъянчиби биахъаб! Аминь!

Сегъунти мицџирагла диъби деркес асубирара?

Беркайзир пайдаладарес асубирутачила ва асухебирутачила багъуддуми цаибси даражалайзи кадурхути сари. Илдачила балес чебси саби гъарил бусурмайчиб, сенахленну асухебируси пайдалабарибсилечи къяркъси танбихI херси саби. МухIяммад Идбагли [☞] иб: «ХIярамси секIал пайдалабарили халабаахъбси къяркъала жагъаннабла цIализи лайбакIес лайкъси саби».

МухIяммад-Амин МухIяммадрасулов

Шин агарихIир дахъхи мицџирли калес хедироти лерилра урхъулизир (шиннлизир) хIердирути мицџираг хуреглизир пайдаладарес асубируси саби. Масала, клас, акула, дельфин ва цархилти. Дегъличир хIердирути мицџираглизирад биалли ШаригIятли кџадагъахедарибти лерилра хуреглизир пайдаладарес асубирар. ГIярличир гIягIнидирути ганжурби яра никуби лерти биалли хуреглизир пайдаладарес асухебирар. Асубирути мицџираглизи кадурхар маза, гIежа, къял, валри, гIяргIя, ябу, дугIла эмхIе, гурда, кеш(соболь), гIинта, урхъла къяца, гIяра, хъа гIяра, хIелхъа, Африкала тушканчик, ванати улкназиб хIербируси хIявбецI(гиена), ярма, къядга, бурбунар къурга(дикобраз), цIерцI, страус, бятI, къаз, къянкъ, пеликан, булбул, къургъ, хъирхъа, шан чяка ва тIабигIятлизирти илдачи мешути цархилти.

Беркайзир пайдаладарес асухебирути мицџираг сари: эмхIерухъ, хъа эмхIе, арслан, къяплан, бецI, синка, пил, маймалаг, лачин, къиргъу, тIума, хIявбецI, жита(хъа къяйдали дугIлара), чIичIала, къяна, чIака, ваца, гIякъярб, попугай, тIавуз, жибкъяри, хIякимпурт, гъаркани(молпоскуни), илкъяйдали цIурицIби ахенти лерилра журала милякъуни.

Кџадагъадирули сари илкъяйдали дегъличир ва шиннлизир хIердирес дирути лерилра мицџираг. Масала: крокодил, вакъчеб пясъаг, пясъаг, шинна гIякъярб(рак) ва цархилти. Беркайзир пайдаладарес асубирути ва асухебирути мицџираглизирад акIубтира пайдаладарес кџадагъабирули саби. Масала, эмхIерухъ.

Лер мицџираг, сарира Идбагли [☞] беркайзир пайдаладарехъеспунра ахIи, кадусахъесра кџадагъадарибти. Илдази кадурхули сари хIякимпурт, имиала, мирхъи, пясъаг, вадвади.

Илкъяйдали лер кадуршахъес маслигIят-бирутира: чIичIала, ваца (ил лугIилизиб къургура), цIудара къяна, багъбиубси хя, къялпиргъан. ШаригIятли чебаахъиливан ахIи белгъунси мицџирагла диъ пайдалабирес асухебирар. Амма асубирар бялихъла, цIерцIла, ва белгъунси мицџирагла канилабси дяхIнушла. Сегъуна-дигара арцанна гидгури, хIятта хуреглизир пайдалабирес асухебирусила булан, деркес асубируси саби. Масайс, чIакала, къянала ва цархилтала. Къяяндикили биалли, адамлис се-дигара пайдалабирес асубируси саби, хIятта кџадагъабирусира. Масайс, адам гаша убкIули виалли, илис хъла яра цурала булан диъ беркес асубирар, амма ил мицџирли калахъеси кџадарлизисипун. ЧевяхIсиле [☞] хIялалсипун пайдалабарахъес имканти габ, нушачибад хIярамси гъарахъбараб! Амин.

Цархил мурул-хъунул жинсла тухтурличи дугъадилэни

Мурул адамтира хъунул адамтира, зягIипбикалли, сегъуналра авара агарли, цархил жинсла тухтурта-чи дугъабилзули бирар, гIягIнити тухтурти вегIла жинсла лебли биалра. Аммаки, шаригIятла къянунти хIясибли, хъунул адамлис мурул адам-тухтурличи рукъес, мурул адамлис хъунул адамличи укъес къяйдали, асубирар белгити шуртIразибун.

Пуса Пумаров

ЗягIипти хъунул адамти дяхъну-шадеш дузахъути хъунул адамтала кумекличил арабирнила ва дурхIни биркхъулели кумекбирнила манзил арбякъи саби. БусягIят мурул адамтани чус хъунул адамла биркIантачил ва физиологияличил дархдасунти санигIятуни – акушерла ва гинекологла – чердикили сари. Гъала хили бурехIе, ургIебси жинсла тухтурли, халаси чараагардеш агарли, зягIипсилечи хIерес асубируси ахIен. Хаслира урологи, гинекологли ва акушерли, сенахленну ишхIелла замана кIелра жинсла гIягIниси журала баари специалитсуни леб. Даршал дусра-сера гъалаб мурул адам-гинекологли хъунул адамличи хIеруди бирниличила яра мурул адам-акушерли сагали алкIуси къябулвирниличила гъайра биэс хIебири.

Ашкарливан, шаригIятли нушаб кџадагъабирули саби ургIебси жинсла гIявратличи хIерикIахъес (хъунул адамтала гIявратлизи халбируси саби дяхIра бекI някъбира ахIенси лебилра къяркъала, мурул адамтала – къуда каниличибад къукъубачи бикайчи къяркъа бутIа). «Минхаджурталибин» жузлизиб Имам ан-Навили лукIули сай къячикесун ахIи хIеризахъес кџадагъабирниличила. Амма асубирар хIяжатдеш акIалли, масала, зягIипси аравирухIели сагъ-виахъес чараагардеш акIалли. Имам аш-Ширбинили бурули сай: «ХIеръес ва къячикес хасси чараагардеш акIалли илкъяйда барес асубируси саби, масала зягIипси аравируси замана, хIятта мурулдеш-хъунулдешла биркIантачи къячикес гIягIнидеш акIаллира. Сенахленну илгъуна секIал кџадагъабарнилизир халаси къяяндеш леб. Мурул адамлис асубируси саби хъунул адам-тухтурличив аравис ва илкъяйдали – ургIеблира. Амма хъунул адам аравирухIели, мякълав шаригIят хIясибли сунечил магъар дихъахъес асухебируси гъамси тухум, сунела мурул яра сунечи умут бихъеси хъунул адам биэс гIягIнити саби. Ца мурул адамличил кIел хъунул адам дяхI-дяхIли кални бахъалгъунти бусурмантала гIялимтани гъалаб чебиули саби. Белгиси журала санигIятличи регIриубси хъунул адам агнира ил шартIлизи кабурули саби. ЦагъатIи шартI саби, бусурман тухтур лебли, тухтур мурул адам зимий(бусурмантала улкализив хIерируси бусурмандешлизив ахIенси адам) гъамхIерни. Эгер нушани хъунул адам арариахъес багъандан хIерирхуси хъунул адам ва бусурман тухтур мурул адам ахIи, цархил варгес хIедиахIелли, хIерирхуси хъунул адам черрирIехIе, сенахленну кџадагъала мераначи илала хIер ва ил къячрик-

ни мурул адамлайчи кункти сари. Имам аль-Булкъинили зягIипсилечи хIеризахъес асубирути адамтала гъабIегъидеш ва низам далди-кахъиб. Эгер зягIипси хъунул адам риалли, илала арадешличир къярау-йчир бусурман хъунул адам риэс гIягIниси сари, илгъуна лерхIериалли - жагъхIейубси бусурман дурхIя, гIур жагъдешла гIямруличи хIейбси, бусурман ахIенси дурхIя, илис гIегъи – хIерирхуси хъунул адам, гIур илала махIрам(сунечил магъар асухебируси гъамси тухум)-бусурман, илис гIегъи бусурман ахIенси махIрам, гIур – гIядатла бусурман мурул адам, ва чIянкIли илис гIегъишун бусурман ахIенси мурул адам. «Аль-Кафи» бикIуси жузлизиб гIурра белкIи саби тухтур вегI вирхуси виэс гIягIниси сай ва илгъуна лебли, дирхала агарсичи укъахъес кџадагъабирули саби. Имам аль-Маъвардили кIел гъатIи шартI четатур:

1) зягIипсилечи хIеръирухIели илдала ургаб дигаЙла бархбас

Аравирес гIягIнили биънила хIекълизиб Идбагла [☞] валликъя-на Жабирли нушачи баахъибси хIядисли бикъридеш дирули сари: «Саламла умматли Расуллагълизи [☞] хIи кадагахъес ихтияр сасиб. ИлхIели Идбагли [☞] Абу Зубайтузи хъарбариб илис илала хIи кадагахъес». Мурул адамлис хъунул адам араварес ихтияр бирули саби иличи хIяжатдеш лебли биалли, илхIелира ил араваресил хъунул адам лерхIериалли. Илкъяйдали хъунул адамлис ихтияр леб мурул адам араварахъес, илизиб гIягIнидеш лебли биалли ва тухтур мурул адам левхIейалли. Биалра мурул адамлис хъунул адам араварес ихтияр агара мякълаб махIрам, мурул яра дирхала бихъибси хъунул адам лебхIебиалли. Эгер динна къяйдурти дузахъуси ва Аллагълизиwad [☞] урукIуси тухтур дакIуухъалли, цархилличи укъахъес кџадагъабирули саби. ШаригIятли ургIебси жинсла адамличи къячичахъес ва хIерикIахъес ил аравируни-



хIебирниличи дирхала биъни. 2) чархла бутIа гIягIнисилечиб имцIали чIянкIхIебиахъни. «Мугънил-мухIтаж» жузлизи белкIи саби: «УрхIла хъунул адамличи хIерикIес ва къячикес кџадагъабируси саби ил шайчиб чараагардеш лебли хIебиалли. Илизиб хIяжатдеш лебли биалли, асубируси саби.

ХIяжатдешлизи халдирути сари ишди гIегъити агичъяйда(гъалар-гъаларти хIябдехIлизив хIерикIес-цун саби асубируси):

1) Вачар-чакарла шайчирти вягIдурти дилгъухIели;
2) Судличир бикъридеш дирухIели ва хIисаб-суал кайсухIели;
3) Динна багъуддуми руркхъулели, чараагартачи къяйдали, маслигIят-дирутачира;
4) ЗягIипси аравирухIели ва илис къялукъ гIебурцухIели, сенкIун ил кџадагъабарнили аги декIбарахъу. Ислам биалли кункдешунала ва къяяндешуни агардарнила дин саби. Къуръанниси белкIи саби: «ЧевяхIсиле диннлизир къяяндешуни хIедиахъуб» (сура «аль-Хадж», аят 78). Тухтур мурул адамлис лерилра секIайчи хIерилзахъес ихтияр леб, илизиб зягIипси аравирунила хIяжатдеш леббали. Муслимили баахъибси хIядислизиб бурили саби: «Гъарил изайс дарман лебси саби» (СахIихIу Муслим, 4084).

ла мурадличилшун ихтияр бируси саби, илхIелира хIяжатдеш акIни хIясибли (араварес гIягIнисилечив хIерикIес ва къячикес асухебирар). ЗягIипси аравируси замана тухтурлис асубируси саби чIянкIли хъунул адамла къяркъа сунечи хIерхIейзурли гIямал бетхIеруси мерличисун хIеризес илхIелира сунела мяхIрам, мурул, игъдибар бихъибси хъунул адам мякълаб лебли яра сари аравареси хъунул адам агарли риалли. Сенахленну ца жинсла вакилла хIер кџадагъала декIдеш хIясибли кункси саби. Ибну ХIажарли «ФатхIул-Бари» жузлизиб лукIули сай: «Ил масъалаличила гъайдикIахIелли урхIла адамтачиб арадеш къялаибарес асубируси саби чараагардеш акIалли ва асубирути дазурби кадилзахъути сари хIяжатдеш хIясибли...». «Мабади аль-мугIашира аз-завджя» жузлизиб бурили саби: «Сай гинеколог яра акушер виубли хъалли тухтурлис сенагра асубируси ахIен хъунул адамла кџадагъалати мераначи хIеризес, эгер ил шайчир тухтур мурул адам хъунул адамличи хIеръирули, ил аравирули яра дурхIя варкъахъес кумекбирули виалли, илини чейсуи саби хъунул адамла къяркъаализирти чехIедаили гIямал бетарути бутIни кланIкадарес».

КъехIбадеш — халаси бунагъ

Лерилра замунтазир халати балагъ-мусибатунас сабабли детарутири адамтала бунагъуни. Истрияли нушаб ашкарбирули саби, декIти халати дургъби, вулканти ва цархIлтири тIабигIятла балагъ-мусибатуни, гъарли-марли, адамтала бунагъуначил дархдасунти дигъни.

Сайфутдин Атабаев

Къуръаннизм ЧевяхIси Къудратла Веги викIули сай: «Сегъуна биалра, дебали жагаси шагъарла адамтази Аллагълиси мукIуртири дирахъес ва Илала вакилтала дуругачи лехIирхъахъес маслигIатбирухIели, илди дуругачи мучлахIедиреули, чула уряхIти нясти баркъудлумазу ихъес даимбирлар, илхIели Нушала гъай мардури, Нушани илдала шагъар лугIи-хъулчилизибад харабисури».



ИшбархIи нушала ихтилат, нушала обществолизи бикибиси кахси изайчила – къехIбадешличили (зналичила) саби.

Нушала республикализир нясти цIахти баркъудлуми хъархъи тIахIри тIинтIидикIули сари. КъехIбадешла баркъудлуми гIядатлатили детарули сари, илди кункти аварализи – гIядатла хIязла думяхIлизи халдирули сари. КъехIбадеш биалли ШаригIятла бегIлара халати бунагъунази халдирути сари.

УрхIла хъунуйчи хIерикIес, иличил вархI цунни вирес къадагъабариса саби. КъехIбадешла баркъудлуми – илди, жамигIятлис экономикала ва социальный шайчиб урехи алкъахъути бунагъуни сари. Цаибил яргалис илдани хъалибарглизир къалмакъар алкъахъу, ил декларкабиркахъу. Хъалибарг биалли общества ячIка саби (хъулчи). Иличиб саби общество тIашира. Хъалибарг бехъниличри экономикала шайчиб къаяндешуни алкъули сари. СенкIун, иличибли имцIабIкIули саби магъар агарли алкъути дурхIни. Илди биалли, имцIаливан къехIбадешла, наркомантира, зулкукартира, адамти кабурушантира бетарули саби. Адамти саби се къамла сабил хIебалан бирули саби. Чумал дуслу гIерги халати харабешуни детарули сари.

Къуръаннизм бурули саби: «КъехIбадешлизибад мяхIкамдеш барая, илкъун халаси убяхIдеш саби». ШаригIятла закон хIясибли, мурул левси хъунул, яра хъунул лерси мурул, чули къехIбадеш дузахъули биалли, къаркъубала барили бекIахъес ихтияр лебси саби.

Къуръаннизм бурили саби: «КъехIбадешла гъуйчи кабизуртас даршна гIярчумагли дикахъая. ХIуша Аллагъличи ва Къиямалла БархIиличи дирхули диадали, дила дурхъадеш багъанданра, илдигунтаци уркъеци мабирида. Илдигунти вайнукъяби танбихIлабирухIели, Аллагъличи бирхути чумал адам бикирили биахъая».

Нушала общество илкъаядала сагъбиахъес жиикIули ахIенра ну. Илдигунти танбихIлабирухIели, илдала баркъуди марбирути авал бикири биес хIязатси саби.



КъехIбадеш дузахъуси адам адаб-хIязлизивад улхъули сай, дяхI агар вирули сай, къунбази ихъули сай. СенкIун илкъунала уркълизиб иман кавлули ахIен. Иличил дарх – адамла адаблати къиликъунира. ХIядислизибурули саби: «Иман - Аллагъличи гъар-

ли-марси бирхауди - ил Аллагъли сунечи вирхуси кланIурцуси палтар саби. КъехIбадеш дирхуси замана иличирад илди палтар черисули сари, сунени дарибтаци пашманиубсиличи илди сагадан чардирули сари».


Аллагълис адамла рухI КъагIаличирра дурхъати сари. Адам кавшибсилис яра къехIбадеш дарибсилис биуси бунагъ КъагIа харабарисилис биусиличиб имцIаси саби.

ХIядисул къудсилизиб бурули саби: «Ну - Аллагъ сайра, чеббалкъунти улхъахъуси ва къехIбадеш дузахъутас къарциндеш гIердяхъуси. КъехIбадеш дузахъути, халати мас-мулкIа бегIтачила хъарби-адалли, илди жагъаннабла цIабикъала саби».

КъехIбадеш лерси хъалибарглизир къалмакъар камхIедирар. Ца камсилра ташмишдеш акIали, хъали-цIа дехъес асубирар. Къиямалла БархIи ил бунагъ декIли танбихIла барили бирар.



Идбагъ  викIули сай: «Гъачам Жабраилличил ва Микаилличил халаси печыличи гъамдиубра. Печыла удила шали дебали бягIусири, чедила шали – чIяртIасири. Нуни суал барира печылизибти се адамти саби или. – Илди къехIбадешлизи ахIибти адамти саби. Къияма кадизайчи илди илаб кавлути саби (печылизиб), - илкъунари жаваб. Илкъаядали Идбагли  иб: «КъехIбадеш дузахъута-зибад башуси загърула гягIли Жагъаннабла агъула бархIи инжитбиру». Илди лебси мерра бархIи гъандуцес асарли вайси загърула гягI бикIар».

Исламлизиб урхIла мурул-хъунул ца хъулиб цунни бирнира къадагъабарили саби.

Идбагли  иб: «Аллагъличи ва Къиямалла бархIиличи вирхуси чи виаллира, урхIла хъунуйчил вархI юрт-лизив цунхIелхъан».


Мурул ва хъунул адамти цунни ца хъулиб биалли, илдала урғаб хIябесилис бетарули саби иблис. Бунагъ баесил селра хIебараллира, илди цаличи ца хIербикир – ил барнира бунагъ саби.

Сегъуналар анцIубукъ хIебикаллира, мурулла тухумачил рарх ца хъулир цунни калес асубебирар хъунул адамлис, сенкIун, гъай-мез акIес ва, иличирли, хъали-цIа дехъес асубирар.

Идбагли  иб: «Хъунул адамтачи дашнилизибад мяхIкамдеш барая. ИлхIели илала ца асхIябли хъарбаили сай: «Мура тухумличила се бурида?» «Мурул адамла тухум – бекIа саби» – жаваб чарбатурли сай Идбагли  .

ГIяврат гъаргбарнира бунагъ саби. Мурул адамла гIяврат – канила чIулечиличибад кукъубачи бикайчи, хъунул адамлис – дяхIра, хъаянкъабира ахIенти. ИшхIели нушала бахъалгунти хъунул адамти байхъу гъаргли къакъурбази дурабулхъули саби. Ил нушала обществолизиб бегIлара вайси жагъал саби. Илдигунти хъунул адамтани мурул адамти бунагъла баркъудиличи гъирбирули саби. Хъунул адамтас къадагъабарили саби адамти барцIикибти мераначиб (автобус, маршрутка) илдигунти палтарличил башахъес.

Хъунул адамтас лайкъси ахIен чархIа лерилра биркIунти сипатдирути ва дебали дукIула палтарличил башнира.

Идбагли  ибсири: «Мар-марли, палтар черли хъалли чIанкъути (чархIеца чебиути) ва мурул адамтала пикри чучи битIакIести уктемли ганзбикIути хъунул адамти Жагъаннабла агъули бетарар».

ИшбархIи Европала ва Западла лебилра модельерти хIяракатлизиб саби хъунул адамтала байхъалара сера чархI кланIхIебарибти, мурул адамтала пикри чучи битIакIести палтар дирес. Илдигунти палтарла бегI бирули чула рурсби, илдала нешанас балули ахIен, къакъурбазибад башухIелара, саби бузуги мераначибра илди мурул адамтани чула хIулбазибад чIанкъубирни (чула уркъурбазиб иман лебтани ахIентани). Илдигунти рурсбала дудешунира узбира сен пикри хIебулхъути чула рурсбачил сегъунадигара вайси анцIубукъ кабикес асубирниличила. ЧархIекI гъаргли дигъили (гIяврат) мурул ва хъунул адамти къехIбадешла баркъудиличи гъирбиру. Ил багъандан илди гъар секIал къадагъадарибти ва хIярамти сари.

ХIурматла узби ва рузби, нушала дебали челукувси бетаурси ца гъатIира масъал леб. Къяна-шилтахъра, умудеш-нядешра гъудурси иш дунъяличиб

бусурман адамлис хIязатли саби се гIяхIли се вайсил белгидирес. Ишаб наб чус «саунаби» или ируги заведениебачила бурес дигула.

Сауна – ил чархIекI умударес, арадеш къулай-биахъес башуси мерли биес гIягIниси саби. Исламра адамтани чула арадеш мяхIкамбирниличиб бикирIули саби. Имам Гъазалини сунела жулизиб лукIули сай, адам саунабазив секъййдали вирес хIязатлис. Табиинтира саунабачил пайдалабирули калунти саби. ИшбархIи биалли нушала шагъарлизиб адамла арадеш къулайбиахъес къасли адам укъеси цалра сауна агара. Биэсра асубирар, амма нуни илкъуналичила хIергъира. ХIебиалли, сауна ибси девли адам урухI вареси тIахIяр алкъахъули саби. Чисалра дигIянаси ахIен ишбархIи се сабил сауна. Гъарли-марли хIялалси адамлис, селра вайси къас хIебиаллира, ила вашес асубебирар. Чидил биалра саунализиб сегъуна биалра жагъал гъанаалли, адаб-хIяяла вегI адам, ласвахъили гIелавяхI арукъес ва илдази эс вирар: «ХIушани хIушала клиент ветухъахъира» или. Нушала цархIил бареси кавлули ахIен. ХIебиалли, даширая илкъаядалила саунабала бегIтас дарс кабирхъехIе. Нуша жидикIулира США-ла, Израильла масанас байкот багъахъес. Нушачи биалли гъатIиралра халаси балагъ хIерли саби. МяхIячкъалализир, гъарил районлизир 30-йчирра имцIякъ сауна лер.

ИшбархIи нушаб аргъ баили саби илдигунти саунабас-хIямамтас байкот – къаршидеш дагъахъес. Илдала бегIтас арцI диалли, илар кадирукти нясти анцIубукъунала авара лебсигъуна ахIен. Илдачи дугъайзес дигула: «ХIушаб ашкарлила ахIен обществоли хIушани алкъахъуси заралличила. Чинаб биалра теракт кабикалли, яра мина баргали, илдигунти анцIубукъуначила тIинтIли балахъула. Саунаби биалли – багъла – багълали, къалабахIебикIули баргудуси бомбаличи мешуги сари! ХIушала дурхIни багъанданра пикридухъеная, хIушала заведение-бала черкад!»

Дахъалгунти дугела ресторантира клубунира шаладикайчи дузули сари. Илди биалли лерилра вайти уюнти дирети меранили детарули сари. Бахъалгунтани чула юртани илдигунтас арендалис дедлугули сари. Илдани балукъира илар диру – далтутачила, илди лехIкайхъули саби. ЛехIкайхъули саби чус хайруми кайсни багъандан. Къиямалла БархIи биалли, къехIбадешла вайти баркъудлумачи кабизуртачир, илдигунтас бунагъуни имцIати сари – илди анцIубукъуни чехIедаибтала дирни яра чедаили хъали чехIедаибтала дарили далтни багъандан. Илдигунти бунагъунас илди жавабкартира саби. ЧевяхIси Къудратла Вегила гъалаб жавабра лугуси саби.



ХIурматла узби!

Уркъи-уркъилавад пашманвиъни ва гъарли-марси гъуйчи кайзни – ил цайли цаси гъуни саби акIубси агилизибад берцуди баргес багъандан. СенкIун, нушала мухIлубачи меъгъ чедихили, нушала чархIа биркIанти гъайдикIахъуси, илди гъарил нушала баркъудлумас бикирили кадилзуси бархIи гъарахъли ахIен.

Аллагъли нушала гъарилла уркъилизиб иман имцIабараб, нуша бархъси гъуйчирад черхIеделкъахъес багъандан. Амин!!!

ГЕРКЪАСИ САПАРЛИ ДУРАУХЪУНСИЛА ДЕХИБАЛА

Къасру (къантдарни) жамгI (цахIнар дарни). Сапарличи дураухъунси адамлис асубирар авал ракагIятли диубти хIерела, дакъа, кадихънила дехИба къасру (къантI) дарили кIикIел ракIятла дарес. МаркIачИла ва акбарла дехИба къантIдарес асухIебирар.

Рамазан Темирханов

ДехИба къасру (къантI) дарес багъандан шел шартI (условие) хIяжатдикур.

1. Сунела сапар бунагъла ахIенси биэс гIягIнибиркур.

Адамтала мас бигIес, хъямбарес, укес, ужес къасли дураухъес, чеблала бегIтала аргъ баибси чебла лебли, чеблала вегIла разидеш агарли сапар барес хIярам саби, къасру-жамгIра асухIедирар.

Чесби сапар биаб (хIяжлизи укьнигъуна), суннатла сапар биаб (узи-урши чебаэс укьнигъунси). ХIялалси сапар биаб (вачарличи, рейсличи укьнигъуна) дехИба къасру-жамгI дарес асубирар.

2. Сапарла гъунила къадар 81-км. личи гIеркъаси биъни саби. Их гъуни сецад хъярхъли ихъаллира къасру-жамгI асудирар. Сапарли дураухъунси адамли къасру-жамгI дирес багъандан 81 км. -лацад имцIаси гъуйчи ца балуси мерла укьес или хъулилад дураулхъухIели къасбарес хIяжатбиркур. Хъулилад их къасличил дураухъунсилис, шила дуравад вехIихъили къасру-жамгI дирес асубирар. ЧарулхъухIелира ил мерличи ваайчи диру.

3. КъантIдирути дехИба сапарлизирти дехИба дигъни саби (заманаличир дирути дIаб, черахъили дирути дIаб). Хъулир калунти дехИбала, сапарлизир къантIдарили дарес асухIебирар.

4. ДехИба ният барниличил барх дехИба къасру дарнила ният барни саби. 5. ДехИба къасру (къантI) дируси адамли, таманни дехИба дируси имамлис гIелавад хIедарни саби.

Къасру-жамгI дарес асухIебирар:

1) Сапар таманбиалли (хъули чарухъи). 2) Хъуравилли умути авал бархIира кални балули (ухIнаухъунсира дураухъунсира бархIи хIисабхIедирар). Эгер мурт къуллукъ бетарни хIебалдули, аъвахъили виалли, вецIну гехIра бархIи дикайчи къасру-жамгI дирес асубирар. 81 км.-лацад гъуйчи дураухъунси адамли байхъала гъуйчи ветаибхIели чарвиэс къасбаралли, сунела сапар

таманбиубли бирар, гIурра къасбаралда гIела архис или къасхIебарили мерла вегIаэс или, итхIели сунела сапар ил къасбарибси мерлабад бехIбирхъур. Их мерлабад бехIибхъили сай аркъуси мерла ваэс 81 км.-лацад гъуни агарбиалли, къасру-жамгI хIедирар. Гъалаб ахъибси хIисабхIебиру.

ДехИба гъала кадухили жамгI дарнилис ишдигъунти шуртIри хIяжатли сари:

1. Гъаларти гъалар дарни (гъалар-гъалар хIерела дарили гIур дакъа дарни, гъалар-гъалар маркIачИла дарили гIур кадихънила дарни).

2. Гъаларти дехИба ниятлизи жамгI дирни гъанбушни саби. Масала: хIерела дехИба аргъилизир дакъара жамгI диралли, хIерела дехИба дирухIели,



дакъа дехИба жамгI дирис хIерела дехИбайчил, или ният барни саби. ХIерела дехИба салам бушили гIергъи жамгI дирис или ният барес асухIебирар.

3. КИдехIелтра дехИба урга халаси замана ургахIебухъни саби (кIел ракагIят дарниличил имцIаси замана). Рахли гъала хили жамгI дарили дехИба дарили гIергъи, гъаларти дехИба дуъни багъалли, кИдехIелтра гъачам гъатIи диру. Пегъити дуалли, ургаб халаси заманара хIебиалли, илдицун сагали диру. Рахли урга замана бикалли, жамгI дарес асухIебирар. Чула заманализир дарес далта. Ва амма дехИба гIела духили жамгI диралли, ихди секIулти шартI хIедирар.

ДехИба гIела ардухили жамгI дарнилис ишдигъунти шуртIри хIяжатли сари:

1. Гъаларти дехИба замана каберхайчи

жамгIличи къас бурцни саби. Ихкъяйда гIела архис или къасхIебарили замана бикахъалли, бунагълизи каркур, гъаларти дехИбара черахъес хIяжатбиркур, жамгIра хIебирар. 2. КИдехIелтра дехИба тамандиайчи сапар кахIеберхни саби.

Къасру жамгIла дехИбулти ишкъяйда диру:

Савлила дехИбайзи я къасру я жамгI асухIедирар.

Гъала кадухили диралли ишкъяйда диру: ХIерела дехИбайчил дакъа цахIнадыхъили диралли, ният ишкъяйда биру: «Нуни нийят барира хIерела авал ракагIят кIел ракагIятличи къасру дарили (яра къантIдарили) дакъаайчил жамгIдарили (яра цаладяхъили) фариза бархъбарес Аллагъ багъандан

Аллагъу Акбар» – или ният барили кIел ракагIят дарили салам луга. ГIур урга халаси замана хIебикахъили (кIел ракагIятличи имцIаси) дакъа дехИба диру. Нийятра ишкъяйда биру: «Нуни нийят барира дакъа авал ракагIят дехИба кIел ракагIятличи къасру дарили (яра къантIдарили) хIереайчи гъала кадухили жамгI дарили (яра цаладяхъили) фариза бархъбарес Аллагъ багъандан Аллагъу Акбар». Ишаб хIерелайчи жамгI дарнила ният суннат саби, чебси ахIен. КIел ракIят дарили салам луга (буршу). Кадихънила маркIачИлайчи кадухили диралли, ишкъяйда биру: «Нуни нийят барира маркIачИла хIябал ракагIят дехИбала кадихънилайчи жамгI дарили (яра цаладяхъили) фариза бархъбарес Аллагъ багъандан Аллагъу Акбар». Таманти хIябалра ракагIят диру (маркIачИла къантIхIедирар). ГIур урга халаси замана хIебикахъили кадихънила (дугелила) дехИба диру «Нуни нийят барира

кадихънила авал ракагIят дехИба кIел ракагIятличи къасру дарили (яра къантIдарили) маркIачИлайчил жамгI дарили (яра цаладяхъили) фариза бархъбарес Аллагъ багъандан Аллагъу Акбар». КIел ракагIят дарили салам луга (буршу).

ГIела ардухихIели ишкъяйда диру: ХIерела дехИба дакъайчи архалли, хIерела дехИба замана бикайчи къасбиру «Нуни хIерела дехИба дакъаайчил жамгIдирис» или, къасхIебаралли жамгI асухIебирар, хIерела дехИбара черахъили диру, бунагълизира виркур. Дакъа баибхIели вегIлис дигути гъалар диру. ХIерела гъалар дарни суннат бирар. «Нуни нийят барира хIерела авал ракагIятла дехИба къасру дарили (яра къантIдарили) дакъалайчи гIела кадухили жамгI дарили (яра цаладяхъили) фариза бархъбарес Аллагълис, Аллагъу Акбар». КIел ракагIят дарили салам луга (буршу). Ишаб жамгI дарили ибни суннатси саби. ГIур дакъаа диру. «Нуни нийят барира дакъа авал ракагIят дехИба кIиличи къасру дарили (яра къантIдарили) фариза бархъбарес Аллагъ багъандан Аллагъу Акбар». Ишаб жамгI дарили ибси чебси ахIен. КIел ракагIят дарили салам луга (буршу). МаркIачИла кадихънилайчи духили диралли, ишкъяйда нийят биру: «Нуни нийят барира маркIачИла хIябал ракагIят дехИба кадихънилайчи жамгI дарили (яра цахIнадыхъили) фариза бархъбарес Аллагъ багъандан Аллагъу Акбар». Ишаб жамгIла нийят суннатси саби. ХIябалра ракагIят диру. ГIур кадихънила диру. (Нуни нийят барира кадихънила авал ракагIят дехИба кIиличи къасру дарили (яра къантIдарили) фариза бархъбарес Аллагълис. Аллагъу Акбар». Ишаб жамгIла нийят чебси ахIен. ДехИба гIела кадухили жамгIдарили диралли, кИдехIелтра дехИба урга халаси замана бикаллира, зарал хIебиру, Сапарлизи жумягIла чебси ахIен. ЖумягIла дехИбала мерлар хIерела дехИба, вегIлис балбиркуси аргъилизир жамгIдарили дарес асубирар. Амма жумягIла дехИба диралли, жумягIла дехИбайчил гъала кадухили, дакъа дехИба жамгI дарес асубирар. Нийятра ишкъяйда биру: «Нуни нийят барира жумягIла кIел ракагIят дехИба дакъалайчил жамгI дарили фариза бархъбарес Аллагъ багъандан Аллагъу Акбар». Дақбалайчи жумягIла духес асухIебирар (хIерела асубирар).

Гидул адхIя — Къурбан-байрам

Гидул адхIя, яра Къурбан-байрам – бусурманатала бегIлара халаси байрам саби. Ил зул-хIижала 10-ибил бархIи башуси саби. Пегъити хIябалра бархIира (11, 12 ва 13) байрамла бурхIни сари.

Ибрагъим Ибрагъимов

Байрамлис гъалабил бархIи, берхIи гIелабикибхIейчибадал бехIибхъили Гидла дехИбала замана сабаайчи ахъли такбир бучIуси саби. Такбир бучIа мижитлаб, хъайгIиб, дураб – чинаб-дигара: «Аллагъу Акбар. Аллагъу Акбар. Аллагъу Акбар. Ла илагъа илла лагъу

ва лагъу Акбар. Аллагъу Акбар ва мл-лагъил хIямд». Къурбан лугънила гIядат бехIибхъибсири Ибрагъим идбагла ✽ замунтачибад. Ибрагъим идбагли бусурмантала наслулис Аллагъличи ✽ мутигIдешла мисал чебиахъули сай. Ибрагъим идбагли сунела халкъ бунагъуни хIедирахъес, Аллагълис ахIенси гIур чисалра гIибадат хIебирахъес жибирусири. Ил дебали чIумасири дин тIинтIбирнилизив. Аллагъли ✽ Ибрагъим идбагла иман гъатIира чIумабиахъес багъандан иличи хIялумцIла бурхъули Сай. Ибрагъим идбагли сунела бегIлара дигуси урши ИсмягIил къурбанварес гIягIнисири. Ал-

лагъла ✽ амру бартарахънилизир Ибрагъим идбагли черяхIти мутигIдеш чеда-ахъиб. ЧевяхIси Аллагъли Ибрагъимла къурбан къабулбариб ва ИсмягIилла мерлаб белгъахъес алжанализибад кигъа бархъиб. ХIядислизиб леб: «Дила ум-матла бегIла гIяхIтани къурбан лугъа, бегIла вайтани хIебелги балта». «Къурбанна цаибти хIи кIантIдухъун-хIели, ит чис лугъули биаллира, илала лерил бунагъуни умудирар». Къурбаннис делгъес асубирар: валри, къял, гамуш, бугъа, маза, гIежа. Валрира къялра 7 адамличибад белгъес асубирар, ца адамличибад гIежа яра маза лугъа. Къурбанна дигъ мискинтас

буртIуси саби, цакамси вегIлис батурли: Белгъунси мицIирагла гули я дигъ дигъес асухIебирар. Лугъути мицIираг дигъес черли дирар: мазара гIежара 1 дусличир камли хIедигъни. Гамуш, къял, бугъа 2 дус яра имцIали. Валри 5 дус яра имцIали. МицIираг дакIути излумазибад умули биэс гIягIниси саби. Ца чумал цула, яра лихIила камси бутIа, яра мукекила хъар хIедиаллира, селра хIебирар. Амма ил сукъурси биалли, яра лихIи, мукеки агарли биалли, ил мицIираг къурбаннис лайикъси ахIен. Аллагъли нушала къурбан къабулбараб ва илис азирнали имцIабарили ужра габ! Амин.

Овощунала ца итилличил барсбарес асубирусив? Нуни аргъиливан, ил риба барнила даражализи кабурхуси саби, ил биалли Исламлизиб къадагъаласи саби?


Цаибилгъуна, рибабирниличила Чевяхъси Аллагъли ﷻ Къуръайзиб бурули саби (мягъна): «Эгер хушани рибабирни бархълебетадалли, Аллагъли ﷻ, Илала Расулли ﷺ хушачил дяв балахта) «сура «Аль-Бакъара», аят 279). «Аль-Фатави аль-Хадисий» биклуси жузлизиб бурули саби: «Аллагъли ﷻ кел журала адамтачилшун дяв багъахъур. Илди рибабиранти ва Аллагъли ﷻ дурхъати адамтас зарал бирахъути – авлияби – саби». Илизибад багъесли саби рибабирни севан декъси бунагъ сабил.

Ил бунагълизи хейкес багъандан багъес чебиркур – рибабирни берк-бержлизиб, мургъилизиб, арцлизиб биэс бирни. Эгер ца журала берк-берж тят илгъуна цархилиличил – масала, анкъи анкъиличил – дарсдирули диалли, рибабирни бетхлеахъес багъандан, хябал шартъ дузесаэс гягънибиркур. Цаибил шартъ саби хулул – цалра шалилис сунела мас гелайзи арбухес асухлебирни. Къибибл – такабуз (келра шалили, саби гъархъбикайчи мас някълизибад някълизи бедес гягъниси саби). Хябъибил – мумасалат (дарсдирути келра мас цагъуна битакла диэс гягъни сари). Эгер илдизибад ца шартъ хлебузахъули биалра, ил рибабарни саби.

Эгер берк-бержла ца жура итилличил (масайс картошка гинцбачил) дарсдирули диалли чедир гъандуштиби хябал шартълизибад битакла шайчибси царугдеш уббирхъуси саби. Илхеле чарагарси саби: 1) барсбирни заманалис гела хлебухни; 2) вачар-чакар дируси мерличир шалуби деклардикайчи дарсдирути масани някълизирад някълизи дедни. Илдизибад ца шартъ агни рибабарни саби.

Шаригъатлизиб кабизахъурси къяйдали клапъхериубли хъунул адамлис къакъализи дурарухъес асубирусив, эгер илис муруй ихтияр лугули биалли?

Хъунул адамлис асубирусис ахлен сунела дяхъ ва бекъ някъби ахенси къаркъала клапъхериубли къакъализи дурарухъи урхъла мурул адамтази сари чераахъес. Чевяхъси Аллагъли ﷻ дурхъаси Къуръайзиб бурули сай: «Хушала жагадешуни чемадихъидая, дяхъра бекъ някъбира ахенти» («Тафсируль Джалалайн»). Ил багъандан, рузби, къакъализи клапъдиубли дурадулхъеная, Аллагъ ﷻ разивахъес багъандан, иличибли хушаб иш дунъяличиб къяйдали ит дунъяличибра гъарбилзан. Идбагла ﷻ валликъяна Гяли, муйлачи дугъаилзули вики: «Хушала урези агарав, марлира хушала хясаддеш агара – урхъла мурул адамтала гъала хъунул дурарухъахъес ихтияр бирули, илди иличира хербикъули саби ил – илдачира» (Гялмамд, № 1118). Илини гъачам сунела хъунузи-Идбагла ﷻ рурси Фатимази хъарбаиб: «Хъунул адамлис бегълара гяхъси се саби?». Илини жаваб гиб: «Мурул адамтани сари чехераъни ва илди сунени чехлебаъни». Идбагли ﷻ иб: «Авал журала хъунул адамти жагъаннаблизиб бирар, илдизирад хябъибил мурул адамтазирад дигъанхерикили хулирад дурарулхъуси, сунела жагадеш илди чебаахъес гъалабирхъуси сари» («Шархуль Мафруз», бяхъ 670).



Шаригъат хясибли мурул адамлис авал хъунуичиб имцъякъ хъунри кабиэс асубирусис ахлен. Илгъуна дазула (къадагъала) хикматдеш селизиба?

Авал хъунула вегъ адам гъар хябал бархъи ва дуги ардякъунхели, гъар хъунуичи чарулхъули сай. «3» гярабунала бегълара камси дахълихъла лугъилизи халбируси саби. Эгер мурул адамлис авал хъунуичиб имцъякъ хъунри кабиахъес ихтияр бедалли, илдизирад гъарилличи ил авал ва имцъли бархъи дикибхели ахенси вакъес хейрар, илгъуна анцъбукъли биалли хъунул адамлис зарал бирули саби. Ил багъандан Аллагъли ﷻ мурул адамлис авличиб имцъякъ хъунри кабирахъес къадагъабариб, хъунул адамти зараллизибад мяхъкамбирули («Худжату Ллагъ аль балигъа»).

Жаназала дехъибала дирухъели суждаби сен хедирути?

Жаназала дехъибайзир суждаби агнила пасихъдеш багъуди камси адам дехъибала дирутала гълав кайхъибси вебкъибси адамлис суждабирули или пикрихъейкъахънилизиб саби («Фатхуль Гяллам» бяхъ 226).

Ну зягъипикихъели, нуни къиблаличи шурухъи херела дехъибала дарес хейубра. Нуни сагадан илди дехъибала дарес гягънисирав?

Эгер адам зягъипли виъни багъандан, яра ил селизи-биалра виъни багъандан дехъибала дирухъели къиблаличи шурухъес хейрули виалли, илини дехъибала сай левси мерличив, илгъуна хяйзир диру, амма гур илини илди дехъибала къиблаличи шурухъи черахъес гягъни сари («Игъанату ат-Талибин»).

Вебкъибси адамла дуббуцари черахъес гягънидеш лебу?

Вебкъибси адамли рамазан базла дуббуцари яра назрула каффаратла дуббуцари калахъун виалли, ва илди сабаб лебли калунти диалли ва вебкъибсила илди черахъес имканти агарли диалли – масайс, арабарес хейэси изалаличибли яра шаригъатли илис дубхлевахъес ихтир гили архъиличив валкиничивли ва илала ил изала яра архъа сай вебкъайчи духъяндитги кали диалли, яра ил аравиубли гьергъи яра архъиличивад чарухъи гьергъи калахъунти дуббуцари черахъес вехъихъиб виалли, ил багъандан илис бунагъ агара ва вебкъибсилес къадин дубурцес гягънидеш агара.

Эгер адамли шаригъатла сабабличирли дуббуцари калахъи виалли ва сай вебкъайчи илди черахъес имканти лерли диалли, яра сегъуналра сабаб агарли дуббуцари калахъун виалли, сай вебкъайчи черахъес илала имканти лерни пикрилизи кайсуси ахлен; илис бунагъ биуси саби ва илала калунси лебдешлизибад гъарил калахъунси дуббуцар багъандан анкъила мулд лугуси саби.

Эгер вебкъибсиле сунес гьергъи лебдеш кахъелахъи виалли, илис къадин анкъила мулд бедехъес яра дубурцес гягънидеш агара. Илгъуна агилизиб илди къилизибад ца баркъуди дураберкъни суннатлизи халбируси саби («Фатхуль Гяллам», бяхъ 137).

Шейх Мухъаммад-Гярифла уличилси Дагъиста Исламла университетли



Балахъули саби бархъехъла отделенилизиб бучлес хульбикъути, бучерилизибад яра белчудилизибад къябхлебердили, динна багъуди касес дигути матъал къабулбирниличила. Исламла багъудлуми касили, хушани хушала хульрази ва

жамигъатлизи Исламлизибад иртлуси ахирагарси гяхъидешла кахъебурхуси шала лебхидая. Илини хушаб керила баркъудлуми дурадуркъахъес кумекбиру. Бучахъес къабулбиру 14 дуслу гямуричибад бехъибхили, лебилра хульбикъути, ихтилатбарнила хульчиличиб. Мурул адамтани ва хъунул адамтани багъуди декларли кайсу.

Белчудила манзил:

Программа 3 дуслу саби. Белчудитаманбиубли гьергъи хульбикъути ДИУ-ла херила отделенилизи бурцу. Дугъадизес иш гьергъиси адрес хясибли дирудая: Мяхъякъъала шагъар, Дахадаевла уличилси къакъа, 136. Шейх Мухъаммад-Гярифла уличилси Дагъиста Исламла университет (Бекъ мижитла мер-мусаличиб), шагъарла корпус, 5-ибил дерхъ. Дурсри дехъидирхъути сари октябрьла цаличирад.

Телефонти:

мурул адамтас: 8-988-771-10-20; хъунул адамтас: 8-988-420-46-48.

Хяжли бунагъуни ицутти сари бикъули саби. Бархъсив ил?

Хяжли лерил бунагъуни ицутти сари – халати ва диштлати. Эгер хяжликъяна хяж бирухъели яра ил таманбарихъели вебкъалли, амма илала сунени вайдеш барибти мезлукъдеш, бугътан, мас кебасни, яра цархил зарал адамтази илди сунечибад чеберхахъес тиладибарес имкан ахлекъуб биалли, Хяжли илдигъунти бунагъунира ицу. Эгер Хяж барихъели илала илгъуна имкан акъалли, илди чеберхахъес тиладибарес гягънили саби, цархилван илала бунагъ кавлан хлебирцили («Исмид ул-Гайнайни»).

Рузнама

Ноябрь

| дни | Утрений Ас-Субхъ | восх. | Обеден. Аз-Зугър | После-обеден. Аль-Гласр | Вечерн. Аль-Магъриб | Ночной Аль-Глишаъ |
|-----|---------------------|-------|---------------------|----------------------------|------------------------|----------------------|
| 1 | 5:50 | 7:21 | 12:39 | 15:20 | 17:46 | 19:13 |
| 2 | 5:51 | 7:22 | 12:39 | 15:19 | 17:45 | 19:12 |
| 4 | 5:53 | 7:25 | 12:39 | 15:17 | 17:42 | 19:10 |
| 6 | 5:55 | 7:27 | 12:39 | 15:15 | 17:40 | 19:08 |
| 8 | 5:57 | 7:30 | 12:39 | 15:13 | 17:37 | 19:06 |
| 10 | 6:00 | 7:32 | 12:39 | 15:12 | 17:35 | 19:04 |
| 12 | 6:02 | 7:35 | 12:40 | 15:10 | 17:33 | 19:02 |
| 14 | 6:04 | 7:37 | 12:40 | 15:08 | 17:31 | 19:00 |
| 16 | 6:06 | 7:40 | 12:40 | 15:07 | 17:29 | 18:59 |
| 18 | 6:08 | 7:42 | 12:41 | 15:06 | 17:28 | 18:58 |
| 20 | 6:10 | 7:45 | 12:41 | 15:04 | 17:26 | 18:56 |
| 22 | 6:12 | 7:47 | 12:42 | 15:03 | 17:25 | 18:55 |
| 24 | 6:14 | 7:50 | 12:42 | 15:02 | 17:23 | 18:54 |
| 26 | 6:16 | 7:52 | 12:43 | 15:02 | 17:22 | 18:54 |
| 28 | 6:18 | 7:54 | 12:44 | 15:02 | 17:21 | 18:53 |
| 30 | 6:20 | 7:57 | 12:44 | 15:01 | 17:21 | 18:53 |